



Briavan von Vorsitar von 25 höbiat 2019

<i>Briaf nummar</i>	<i>Ma redet vo:</i>	<i>'Z izta khent auzgemacht</i>
50	Rèchnung vodar Roatom 2018. Pönege von konto von Gèlthaltar.	1. Zo pönege in konto verte von Gèlthaltar von Toalkamou vodar Zimbar Hoachebene, dokt. Roberto Orempuller vodar rotom von djar 2018, asó azpe da auzkhint von prospèkt, khlupp 1 gekhluppert disarn provedimént khödante ke bazta auzkhint iz gelaich pinn puachkonte vo disan Ent; 2. Zo khöda ke di rèchnung von Gèlthaltar bart khemmen inngètt dar Provintziàl Sektziong vodar <i>Corte dei Conti</i>, pittnàndar pinn konto von Schatzhaltar durch in Toalkamou Rat;
51	Rèchnung vodar Roatom 2018. Ànemmen in konto vürgevüart von pauchhaltar Adjént boda haltet di atziongen.	1. Àzonemma in konto von atzionàr titln nidargeschribet von puachhaltar adjént, dokt. Roberto Orempuller, bodase vürvüart vor di roatom 2018, asó azpe da auzkhint von prospèkt, khlupp 1 vo disarn delibera; 2. Zo khöda ke di rèchnung boda àgeat in atzionàr titln bart khemmen inngètt dar Provintziàl Sektziong vodar <i>Corte dei Conti</i>, pittnàndar pinn konto von Schatzhaltar, vorda auz soin di 60 tang sidar azta di

		rèchnung sèlbart saibe khent ågenump von Toalkamou Rat;
52	Rèchnung vodar Roatom 2018. Pönege vodar rèchnung von gèlt boda iz khent inngezoget un inngètt von puachhaltar Adjént.	1. Zo pönege di rèchnung verte ingètt von pauchaltar Adjént von Toalkamou vodar Zimbar Hoachebene, arbat boda iz gest khent vürgevüart vodar ågestèllte Furlan Giovanna sin atz 30 bintmånat 2018 un dena sidar in earst von kristmånat 2018 vodar ågestèllte Osele Tamara, vor di roatom 2018 asó azpe da iz geschribet in di prospèktn boda soin in gántzn toal vo disan Provedimént darzuar sichrante ke bazta auzkhint iz gelaich pinn briavan von Ent; 2. Zo khöda ke di rèchnung inngètt von puachhaltar Adjént bart khemmen inngètt dar provintziål sektziong voda Corte dei Conti, pittnåndar pinn konto von Shatzhaltar vorda auz soin di 60 tang sidar azta di rèchnung sèlbart saibe khent ågenump von Toalkamou Rat;
53	Ånemmen di rèchnung vodar roatom 2018.	1. Åzonemma di rèchnung vodar roatom vürgevüvüart vorz djar 2018 khlupp “A” boda iz in gántzan toal vo disan Provedimént boda innhaltet alle dise ånhengung: • Prospèkt boda zoaget bazta auzkhint vodar vüarom; • Prospèkt boda ågeat bia ’z soinda augeroatet misiong, progrém von Vinkolarate Font vor mearare djar; • Prospèkt boda ågeat in bazma hatt zo haba un bart soinm alamentar innziang; • Prospèkt von sèll boda ågeat titln, tipe un katgorian; • Prospèkt von gèlt inngeschribet afte roatom auzgetoalt vor misiongen, progrém un macroaggregati; • Tabéla boda zoaget bazta iz khent auzgeschauged vodar roatom vo haür von sèlln pellar un von sèlln boda khemmen; • Tabéla boda zoaget bazta iz khennt inngeschribet in di roatom vo haüra, von sèlln pellar un von sèlln boda khemmen; • Prospèkt von date SIOPE; • Roatordnung vo bazta hintar in mindar un n mearar boda auzkhemmen von roatom vor dar sèlln vo haür auzgetoalt vor djar un vor kapitln; • Tabéla boda zoaget bia ma schètzt di strukturàln schulln;

		2. Åzonemma di relaziong boda zoaget bata iz in di roatom von vorgånnate djar 2018, khlupp “B”, boda iz in gântzan toal vo disan provedimént un nidargeschribet nå in sèll boda auzmachan di artikln 151-231 von D. Gsz. 18 snitt 2000, n. 267, von art. 11, kòmma 6, von D. Gsz. 23 prachant 2011, n. 118, un von art. 2427 von zivìl kòditze; 3. Zo khöda ke ’z soinda khummane schulln auz vodar roatom, asó azpe da iz geschribet in di briavan inngètt von sekretardjo un ke ’z izta nèt khent gezert gèlt vor di vüarar òrgane ’z djar 2018; 4. Åzonemma di prosèktn SIOPE boda ågian in djar 2018, khlupp “C” boda iz in gântzan toal vo disan provedimént; 5. Åzonemma in prospèkt boda zoaget bazta iz khent gespart afte roatom von 2018 khlupp “D” boda iz in gântzan toal vo disan provedimént; 6. Åzonemma in plån von zoagar un von sèll bomen impaitet – djar 2018 – khlupp “E”, boda iz in gântzan toal vo disan Provedimént; 7. Zo khöda ke dar Toalkamou nå dar tabéla boda khint genützt z’zoaga di strukturàln schull nidargeschribet asó azpe da auzmachtdar art. 228, kòmma 5, von D.Gsz. 267/2000, un besteteget pinn ministerial dekrèt von 18 hornung 2013, iz nèt schulle; 8. Zo khöda ke ’z izta khent gehaltet guat di pintom vor da öffentlesche finantièll vorz djar 2018; 9. Vürzolega in Toalkamou Rat bidar zo vorschiaba afftn earst von hoachnach von 2020 åzonemma da naüge puachhaltung pinn òbligò åzonemma in earst konto boda ågeat in djar 2020 vor atz 30 abrèl von dja 2021, vor allz daz sèll boda khint khött in vorbort;
--	--	--